



Informativni bilten Općine Maglaj



S A D R Ź A J

- Održan nastavak 25. redovne sjednice Općinskog vijeća Maglaj
- Ministar za boračka pitanja Zeničko-dobojskog kantona u službenoj posjeti Općini Maglaj
- Općinski načelnik Maglaj upriličio prijem za pobjednice 7. Internacionalnog festivala muzike
- Obilježen Dan Armije R BiH i Dan oslobođenja Maglaja u Drugom svjetskom ratu
- Načelnici Općina Centar Sarajevo i Maglaj potpisali ugovor za nabavku vatrogasnog vozila
- Općina Maglaj i USAID/INSPIRE potpisali ugovor u okviru podrške marginaliziranim grupama žena i pripadnicima drugih marginaliziranih grupa
- Obilježen Dan šehida na području općine Maglaj
- Održana 26. redovna sjednica Općinskog vijeća Maglaj



ODRŽAN NASTAVAK 25. REDOVNE SJEDNICE OPĆINSKOG VIJEĆA MAGLAJ

Dvadeset peta sjednica Općinskog vijeća Maglaj koja je započela u martu, nastavljena je 05.04.2023. godine. Vijećnici su razmatrali preostalih deset tačaka Dnevnog reda.

Usvojen je Izvještaj o radu i poslovanju JP „Veterinarska stanica“ doo Maglaj za 2022. godinu, Izvještaj o realizaciji Plana kapitalnih investicija Općine Maglaj za 2022. -2024. godinu, Plan kapitalnih investicija Općine Maglaj za 2023. – 2025. godinu, Program poticaja u poljoprivrednoj proizvodnji općine Maglaj za 2023.godinu i Odluka o dodjeli nagrada mjesnim zajednicama i pojedincima sa područja općine Maglaj sa kriterijima za dodjelu nagrade.

Informacija o stanju iz oblasti poljoprivrede na području općine Maglaj za 2022. godinu i Informacija o deminiranju, obilježavanju i uništavanju neeksplodiranih ubojnih sredstava na općini Maglaj

u 2022. godini primljene su k znanju.

Potrebnu većinu nisu dobile sljedeće tačke dnevnog reda: Izvještaj o radu Komunalnog javnog društva doo Maglaj za 2022. godinu, Izvještaj o

radu mjesnih zajednica za 2022. godinu, te Program rada mjesnih zajednica za 2023. godinu.

Na kraju sjednice, postavljena su vijećnička pitanja i pokrenute vijećničke inicijative.



MINISTAR ZA BORAČKA PITANJA ZENIČKO-DOBOJSKOG KANTONA U
SLUŽBENOJ POSJETI OPĆINI MAGLAJ

Adnan Sirovica, ministar Ministarstva za boračka pitanja Zeničko-dobojskog kantona sa saradnicima, posjetio je Općinu Maglaj.



Mirsad Mahmutagić, Općinski načelnik Maglaj i Eldina Mehinagić, Pomoćnica načelnika za boračko-invalidsku i socijalnu zaštitu, opću upravu i društvene djelatnosti, zahvalili su se Ministru na ukazanom povjerenju i upriličenoj posjeti.

Razgovarali su o unapređenju uslova života boračke populacije na području općine Maglaj, problemima s kojim se susreće ova populacija, te projektima koji slijede u ovoj godini. Također, razgovarali su o saradnji resorne Službe i Ministarstva za boračka pitanja Zeničko-dobojskog kantona.

„Saradnja sa Općinom Maglaj, do sada je bila relativno dobra, ali u budućnosti ćemo je sigurno još unaprijediti. U narednom periodu su planirane sljedeće aktivnosti: Program samozapošljavanja i upošljavanja, zatim Oglas za stambeno zbrinjavanje, a za Općinu Maglaj smo planirali i izgradnju spomen-obilježja“, kazao je Ministar Sirovica.



Općinski načelnik Maglaj zahvalio se, između ostalog i za povećane boračke stipendije.

„Želim iskazati zadovoljstvo novom Vladom i ministrom Ministarstva za boračka pitanja Zeničko-dobojskog kantona, jer su pokazali osjećaj prema boračkoj populaciji i njihovim potrebama, te s tim u vezi povećani su i iznosi za ovu

populaciju. Također, nakon dugo godina povećan je i iznos za boračke stipendije, tako da zaista upućujem veliku zahvalnost Vladi Zeničko-dobojskog kantona i Ministru Sirovici“, istaknuo je Općinski načelnik Maglaj.

Nakon sastanka, posjetili su spomen-obilježja u Šipragama (Mjesna zajednica Ulišnjak) i Misurićima.



OPĆINSKI NAČELNIK MAGLAJ UPRILOŽIO PRIJEM ZA POBJEDNICE 7. INTERNACIONALNOG FESTIVALA MUZIKE

Mirsad Mahmutagić, Općinski načelnik Maglaj, upriložio je prijem za Dunju Smajlagić i Nadiju Mehinagić, koje su osvojile prve nagrade u kategoriji klavir solo na 7. Internacionalnom festivalu muzike „Primavera“ u Bijeljini. Prijemu su prisustvovala Eldina Mehinagić, Pomoćnica načelnika za boračko-invalidsku i socijalnu zaštitu, opću upravu i društvene djelatnosti, Esena Ruvić, profesorica muzike i Ermelina Herceg, nastavnica muzike. Razgovarali su o Internacionalnom festivalu muzike „Primavera“, postignutim rezultatima, utiscima djevojčica i njihovim budućim planovima.

Općinski načelnik Maglaj, uputio je iskrene čestitke djevojčicama za osvojene nagrade.



Dunja Smajlagić i Nadija Mehinagić istaknule su kako je trema bila prisutna, ali da nije uticala na njihove izvedbe.

„Stvarno sam sretna na osvojenoj nagradi, nisam je očekivala i baš sam se iznenadila. Svidjela mi se sala u kojoj smo nastupale,

vrlo je zanimljiva. Uglavnom, lijepi su utisci“, rekla je Dunja Smajlagić.

Internacionalni festival muzike „Primavera“ okupio je više od 500 mladih muzičara iz: Slovenije, Hrvatske, Crne

Gore, Srbije i Bosne i Hercegovine.

Za predstavljanje na ovom Festivalu, Dunja i Nadija su izvele kompozicije iz tri muzičke epohe: baroka, klasike i romantizma, u pet minuta koliko su imale na raspolaganju što se svidjelo i žiriju.

OBIJELJEŽEN DAN ARMIJE R BIH I DAN OSLOBOĐENJA MAGLAJA U DRUGOM SVJETSKOM RATU

Svečanom akademijom, koja je održana u kino-sali JU Dom kulture „Edhem Mulabdić“, obilježen je Dan Armije Republike Bosne i Hercegovine i Dan oslobođenja Maglaja u Drugom svjetskom ratu.

Nedim Ibrahimefendić, predstavnik Udruženja „327. Viteška“, istaknuo je da borba za istinu o Armiji Republike Bosne i Hercegovine svaki dan postaje sve značajnija.

„Priča o Armiji Republike Bosne i Hercegovine, nije samo priča o snazi običnih ljudi koji žele da žive u svojoj domovini, nego i priča o stalnoj borbi za istinu o našem stradanju. Borba za istinu svakim danom postaje sve značajnija i u njoj moramo učestvovati svi. Današnji dan nije samo podsjetnik na žrtve koje smo podnijeli, nego i jasna poruka da je naša domovina, mir i sloboda, trajna vrijednost koju znamo čuvati“, istaknuo je predstavnik Udruženja „327“ Viteška.



Jasminka Šehić, predstavnica Udruženja „UABNOR“ Maglaj rekla je da mlađe generacije treba učiti da istražuju, čitaju i pamte.

„Da naš Maglaj nije oduvijek živio antifašističkim i slobodarskim duhom, ne bi Minka Suljaković, unuka Ibrišima Obralića, našeg prvoborca, bila u Armiji Republike Bosne i Hercegovine i poginula u agresiji 1992. godine. Mnogo je sličnih priča oko nas i koliko god bilježili, svjesni smo da će mnoga herojstva Maglaja, iz oba rata ostati nezapisana. Učimo mlađe generacije da istražuju, čitaju i pamte“, rekla je predstavnik Udruženja „UABNOR“ Maglaj.



Mirsad Mahmutagić, Općinski načelnik Maglaj, istaknuo je da se za Bosnu i Hercegovinu uvijek vrijedi boriti.

„Da nismo vjerovali da je moguće odbraniti državu, danas je ne bismo imali. Bosna i Hercegovina nije savršena, ali je ipak naša i jedina koju imamo. Za nju se vrijedi boriti i vrijedi vjerovati ljudima koji se za nju iskreno i danas bore. Takvih ima dovoljno, i bit će ih sve dok je države. Svijetla lica poklonite se svim: očevima, sinovima, majkama, sestrama, bližoj i daljoj porodici koji su domovini dali najviše što su mogli, a to je život“, istaknuo je Općinski načelnik Maglaj.

U muzičkom dijelu programa učestvovao je mali hor Osnovne škole „Maglaj“, dok su se prigodnim sadržajima predstavili JU Dječiji vrtić Maglaj i Lejla Kadušić, učenica Gimnazije „Edhem Mulabdić“.

Prije svečanog programa, delegacije su položile cvijeće na: Centralno spomen-obilježje u Parku ljiljana, te na biste narodnih heroja Petra Dokića i Sulejmana Omerovića Cara i prvoborca Ibrišima Obralića. Nakon akademije, delegacije su položile cvijeće na: Trg Alije Izetbegovića, spomen-obilježje prvom šehidu Rifatu Abidoviću, šehidsko mezarje Podborik, spomen-obilježje civilnim žrtvama rata i spomenik Čakalovac.

NAČELNICI OPĆINA CENTAR SARAJEVO I MAGLAJ POTPISALI UGOVOR ZA NABAVKU VATROGASNOG VOZILA



Srđan Mandić, Općinski načelnik Centar Sarajevo i Mirsad Mahmutagić, Općinski načelnik Maglaj, danas su potpisali ugovor za sufinansiranje nabavke vatrogasnog vozila Profesionalnoj vatrogasnoj jedinici Maglaj.

Općinski načelnik Maglaj zahvalio se Općini Centar Sarajevo za podršku u nabavci vatrogasnog vozila, koje je prema njegovim riječima, od izuzetnog značaja za rad Profesionalne jedinice Maglaj.

Općinski načelnik Centar Sarajevo istakao je spremnost da pomogne i drugim lokalnim zajednicama, kojima je to neophodno, te je istaknuo kako ga raduje činjenica da je mogao pozitivno odgovoriti na zahtjev Općine Maglaj.

Općina Maglaj ima obučene pripadnike vatrogasne jedinice, a nabavka ovog vozila će doprinijeti efikasnijem izvršavanju kako svakodnevnih zadataka, tako i u situacijama hitnog djelovanja u cilju spašavanja ljudskih života i imovine.

OPĆINA MAGLAJ I USAID/INSPIRE POTPISALI UGOVOR U OKVIRU PODRŠKE MARGINALIZIRANIM GRUPAMA ŽENA I PRIPADNICIMA DRUGIH MARGINALIZIRANIH GRUPA

Općina Maglaj i USAID/INSPIRE danas su potpisali ugovor o zajedničkom finansiranju, u okviru podrške marginaliziranim grupama žena i pripadnicima drugih marginaliziranih grupa.

Mirsad Mahmutagić, Općinski načelnik Maglaj, zahvalio se na podršci koja će doprinijeti razvoju samostalnih biznisa.

„Ovaj projekat je značajan, jer će doprinijeti u razvoju samostalnih biznisa. Općina Maglaj je u Budžetu za 2023. godinu planirala određena sredstva i zajedno sa USAID-om ćemo raspisati javni poziv. Na osnovu usaglašenih kriterija ćemo odabrati buduće korisnike. Vjerujemo da će to biti samoodrživi biznis“, rekao je Općinski načelnik Maglaj.



Dunja Škaljo, zamjenica direktora programa USAID/INSPIRE istakla je da je Općina Maglaj među deset jedinica lokalne samouprave, koje su u novom ciklusu podrške.

„Vlada SAD-a je u augustu 2020. godine pokrenula program podrške ljudskih prava, kako bi unaprijedila institucije vlasti i građane. U novom ciklusu podrške, koji je trenutno aktuelan, podržavamo novih deset jedinica lokalne samouprave, među kojima je i Općina Maglaj“, rekla je zamjenica direktora programa USAID/INSPIRE.

OBILJEŽEN DAN ŠEHIDA NA PODRUČJU OPĆINE MAGLAJ

Polaganjem cvijeća na spomen-obilježje i učenjem jasina na šehidskom mezarju Podborik, obilježen je Dan šehida na području općine Maglaj.

Adnan Sirovica, ministar Ministarstva za boračka pitanja Zeničko-dobojskog kantona, rekao je da su šehidi dali za BiH ono najvrednije, a to je život. Upravo zbog toga, sjećanja se trebaju čuvati i njegovati.



Mirsad Mahmutagić, Općinski načelnik Maglaj, istaknuo je da ljudsku veličinu predstavlja praštanje, a slabost je zaboraviti. Također, naglasio je da borba za BiH ne prestaje i upravo zbog toga narednim generacijama treba pričati istinu, jer je ona najjače oružje.

Nevres ef. Hodžić, glavni imam, rekao je kako su sjećanja na šehide garancija opstanka Bošnjaka i BiH. Adnan Mačković, sin šehida, naglasio je kako bol i nakon toliko godina ne prestaje, te da i danas poštuje sve ono čemu ga je otac kao dijete učio.

Nakon programa na šehidskom mezarju Podborik, organizovani su obilasci i ostalih šehitluka na području općine Maglaj. U džamiji Misurići će nakon podne-namaz biti proučen tevhid i obiće će se jedna šehidska porodica u Misurićima.

ODRŽANA 26. REDOVNA SJEDNICA OPĆINSKOG VIJEĆA MAGLAJ

Dvadeset šesta redovna sjednica Općinskog vijeća Maglaj održana je 26.04.2023. godine. Vijećnici su razmatrali jedanaest tačaka Dnevnog reda.



Usvojen je *Periodični finansijski izvještaji Budžeta/Proračuna Općine Maglaj za period 01.01.-31.03.2023. godine i Registar budžetskih korisnika. Nadalje, usvojena je Odluka o javnim priznanjima općine Maglaj, Odluka o prodaji nekretnine neposrednom pogodbom Bašić (Ibrahim) Esadu iz Misurića, općina Maglaj, radi oblikovanja građevinskih parcela, Odluka o usvajanju djelimične izmjene Regulacionog plana „Centar Maglaj-sjeverni dio“, po zahtjevu Stenaklić Hane, Odluka o pristupanju djelimičnoj izmjeni Regulacionog plana „Centar Maglaj-sjeverni dio“, po inicijativi Općine Maglaj, te Nacrt Odluke o usvajanju djelimične izmjene Regulacionog plana „Bijela Ploča“, po zahtjevu Ćatić Husejina.*

Također, vijećnici su usvojili: Odluku o objavljivanju Javnog oglasa za imenovanje jednog člana Općinske izborne komisije Maglaj, Odluku o imenovanju Komisije za provođenje postupka po Javnom oglasu za imenovanje jednog člana Općinske izborne komisije Maglaj, Izvještaj o utrošku sredstava i realizaciji Plana i programa održavanja javnog zelenila na gradskom području sa finansijskim pokazateljima za 2022. godinu, te Izvještaj o utrošku sredstava i realizaciji Plana i programa održavanja javne higijene i zimskog održavanja gradskih javnih površina sa finansijskim pokazateljima za 2022. godinu.

Na kraju sjednice, postavljena su vijećnička pitanja i pokrenute vijećničke inicijative.

svečano otvaranje Festivala



19:00 OKUPLJANJE U NOVOM GRADSKOM PARKU

19:30 ŠETNJA KROZ GRAD

19:45 PODIZANJE ZASTAVE NA PLATOU KOD OPĆINE

20:00 DOLAZAK U STARI GRAD
POČETAK FESTIVALA "MALO LJETO"

20:45 AZAHARI AKO OMERSOFTIĆ

21:15 OKUPLJANJE NA GRADSKOM MOSTU
VATROMET



16.06.2023.



U aprilu 2023. godine
na prigodan način upućene su čestitke povodom:

- Dana Osnovne škole „Novi Šeher“
- Dana Gimnazije „Edhem Mulabdić“
 - Lejletul-Bedr
 - Uskrsa
- Dana Armije RBiH i Dana oslobođenja Maglaja u Drugom svjetskom ratu
 - Vaskrsa
- Dana Mješovite srednje škole Maglaj
 - Ramazanskog bajrama